

摘藻堂四庫全書薈要

史部

欽定四庫全書薈要卷八千三百十

史部

欽定大清會典卷八十一

都察院

左都御史滿漢各一人左副都御史滿漢各二人
掌察覈官常整飭綱紀右都御史右副都御
史均為督撫兼銜○經歷滿漢各一人都事滿漢各一人
筆帖式十人

給事中滿漢各十有二人掌傳達

綸音稽考庶政○吏科掌印給事中滿漢各一人給事中滿漢各一人分稽銓衡注銷吏部順天府文卷○戶科掌印給事中滿漢各一人給事中滿漢各一人分稽財賦注銷戶部文卷○禮科掌印給事中滿漢各一人給事中滿漢各一人分稽典禮注銷禮部宗人府理藩院太常寺光祿寺鴻臚寺國子監欽天監文卷○兵科掌印給事中滿漢各一人給事中滿漢各一人分稽

戎政注銷兵部太僕寺鑾儀衛文卷○刑科掌
印給事中滿漢各一人給事中滿漢各一人分
稽刑名注銷刑部通政使司大理寺文卷○工
科掌印給事中滿漢各一人給事中滿漢各一
人分稽工程注銷工部文卷○筆帖式吏科戶
科兵科刑科各十有五人禮科工科各十人

監察御史滿漢各二十八人

宗室二人蒙古二
人在滿御史額內

掌糾劾官邪條陳治道○京畿道掌印監察御

史滿漢各一人監察御史滿漢各一人分理院事及直隸

盛京刑名稽察內閣順天府大興宛平縣○河南道掌印監察御史滿漢各一人監察御史滿漢各一人分理河南刑名照刷部院諸司卷宗稽察吏部詹事府步軍統領五城○江南道掌印監察御史滿漢各一人監察御史滿漢各三人分理江南刑名稽察戶部寶泉局宣課司左右

翼監督在京十有二倉總督漕運磨勘三庫月
終奏銷之籍○浙江道掌印監察御史滿漢各
一人監察御史滿漢各一人分理浙江刑名稽
察禮部都察院○山西道掌印監察御史滿漢
各一人監察御史滿漢各一人分理山西刑名
稽察兵部翰林院六科中書科總督倉場坐糧
廳大通橋監督通州二倉○山東道掌印監察
御史滿漢各一人監察御史滿漢各二人分理

山東刑名稽察刑部太醫院總督河道催比五

城命盜案牘緝捕之事○陝西道掌印監察御

史滿漢各一人監察御史滿漢各一人分理陝

西刑名稽察工部寶源局覈勘在京工程○湖

廣道掌印監察御史滿漢各一人監察御史滿

漢各一人分理湖廣刑名稽察通政使司國子

監○江西道掌印監察御史滿漢各一人監察

御史滿漢各一人分理江西刑名稽察光祿寺

○福建道掌印監察御史滿漢各一人監察御史滿漢各一人分理福建刑名稽察太常寺○四川道掌印監察御史滿漢各一人分理四川刑名稽察鑾儀衛○廣東道掌印監察御史滿漢各一人分理廣東刑名稽察大理寺○廣西道掌印監察御史滿漢各一人分理廣西刑名稽察太僕寺○雲南道掌印監察御史滿漢各一人分理雲南刑名稽察理藩院欽天監○貴

州道掌印監察御史滿漢各一人分理貴州刑
名稽察鴻臚寺○筆帖式京畿道江南道各三
人河南浙江山西山東陝西湖廣江西福建四
川廣東廣西雲南貴州道各二人

巡視五城分中東南西北每城給事中或御史

滿漢各一人

於六科十五道內
奏委二年更代

掌彈壓地方釐

剔姦弊其屬兵馬司指揮副指揮吏目各一人
凡憲綱左都御史給事中御史皆許風聞言事

事關

朝政得失民生利弊大臣徇私翫法不飭簠簋並
聽據實陳奏撫拾陳言及瑣屑傷治體者不得
瀆告○官民冤枉所司不受理及受理不得伸
者許赴院陳懇鞫實大事奏請

上裁小事立予昭雪○奏章奉

旨後給事中錄送吏科御史錄送京畿道封貯如奉
旨褒獎或經

訓飭備著於冊三年一次進

呈

凡科鈔中外疏章既上

旨下內閣日以給事中一人詣內閣祇領分致各科

備錄

諭旨及原疏發所司奉行豫定注銷日期事涉數衙
門者以主彙衙門為正鈔會稿及應闕白之衙
門為外鈔鈔畢別錄二通敬謹較對鈐蓋印信

一送內閣曰史書一貯科垣曰錄書歲終還原
疏於內閣

凡封駁奉

旨事理確有未便施行者封還執奏閣臣擬

旨批答字句舛錯部院督撫疏章事有謬誤者並聽
駁正

凡頒給

勅書直省總督巡撫由吏科總督漕運總督倉場坐

糧廳監督各關監督各鹽政由戶科學政由禮
科提督總兵官由兵科總督河道及各關監督
之隸工部者由工科均於

午門外授本官祇領如由外任升轉給該省提塘
官齎往往滿各送科繳內閣

凡掌察部院諸司所治之事以六科十五道分
掌稽察月以已結未結之數兩次具冊分送注
銷月終各具題○直省督撫題達之案具揭各

科道察覈事有難結者歲終彙題呈漏及易結不結者劾○宗人府以宗室御史二人內務府以滿御史二人專司稽察別給印信注銷具題同○八旗各以滿給事中或御史一人稽察月一注銷月終奏

聞滿洲蒙古漢軍同○八旗暨九卿奉

旨會議之事以滿漢御史各一人稽察無故不到者劾○巡視五城科道審理之事歲委滿漢御史

各一人督催月具冊申院送刑部者兩月具題
○五城賑濟平糶左都御史左副都御史分城
親察以絕弊端

凡考覈中外文武官三歲京察大計五歲軍政
均由本院吏科兵科京畿道會吏兵二部覈實
具疏○宗人府吏部有奉

旨議處之事由院咨取職名定議○各關監督任滿
由戶科考覈○鹽政任滿由京畿道考覈○驗

視月選官列掌印給事中御史名咨吏部奏請
簡命滿漢各二人隨班察覈○文職司道以下武職
副將以下由吏兵二科給與赴任文憑違限者
劾○五城司坊官三年俸滿堪列薦刻者巡城
科道詳具政蹟申院覈實咨吏部引

見

凡監試順天鄉試禮部會試外場以滿漢御史
各二人外簾同內簾各一人

殿試各二人順天武鄉試兵部會試外場兼外簾
滿漢御史各二人會試內簾一人

殿試各二人考校見任筆帖式考取中書官學教
習各館膳錄生選拔貢生

朝考貢監生考授職銜均滿漢御史各一人有潛
通關節懷挾及傳遞文字冒名代考武場選入
好字號覆校技勇不符者並劾○順天府考試
文童滿漢御史各一人會府丞審音劾冒籍者

凡讞獄重囚審案

勅下三法司會覈定擬者虛公擬斷期於明允或所見不同往復詳議以歸一是若始終不能畫一許兩議並陳恭候

上裁不得一衙門為一議及用夾單申明前議指駁後議○刑部見審之犯罪應死者承審司官錄初供移知該道定期滿漢御史各一人至刑部會大理寺官公審既定讞左都御史左副都御

史會刑部大理寺堂官詳審覈擬具題不得據
稿定擬草率從事○秋審給事中御史皆與議
御史不掌印者則分省與議

朝審給事中及各道之掌印者與議

京畿道不掌印亦與秋

審勾決由各道具題刑科覆奏

朝審勾決由京畿道具題刑科三覆奏均候

命下各道御史齎本授刑部施行

朝審決囚刑科給事中監視行刑○熟審期內薄

刑小罪院道皆與議○刑部獄囚及各門枷犯
每月滿漢御史各一人稽察

凡侍儀

朝會

御殿左都御史左副都御史均於

殿檐下西第三柱序立

躬祀

壇

廟滿漢各一人於西南隅序立

凡糾儀

朝會

御殿以滿御史十有四人漢御史八人

皇帝率羣臣詣

皇太后宮行禮以滿御史四人漢御史六人

御門給事中御史滿漢各二人

御經筵給事中御史滿漢各一人

車駕出入午門

耕藉

常朝坐班

天安門宣

詔

午門

頒朔

頒賞中式舉人進士詣

闕謝

恩均滿漢御史各二人有紊越班行言語喧嘩威儀
不肅者劾○

壇

廟祭祀以滿漢御史各四人告祀各二人救護

日

月食各四人祈雨報祀各二人祭祀宰牲監視各一
人有臨事不共牲幣不潔或刑餘喪服有隱疾

之人濫與祀典齋期有違戒令齋宿不於其所
及行禮失儀者並劾

凡差遣巡視鹽政長蘆河東兩淮各一人均給
勅書一年更代○巡察

京師通州十有四倉每倉給事中或御史一人一
年更代○巡視漕運以給事中或御史瓜儀濟
寧每處一人楊村通州每處二人

舊駐淮安今
移瓜儀舊駐

天津今
移楊村

歲以次奏請各給關防事竣復

命濟寧巡漕兼理疏濬運河之事○巡察

盛京吉林黑龍江各以滿給事中或御史一人福建臺灣府以給事中或御史滿漢各一人均閱三年奏請候

旨差遣事竣復

命○稽察宗人府銀庫理藩院內外館銀庫鄂羅斯來京貿易各以滿給事中或御史一人銀庫三年期滿奏請更代餘事竣即還○給事中御史

奉旨離任在一年外者題請署理一年內者由院委署先奉差不離任繼奉別差離任其任其差署理亦如之

凡升遷給事中御史三年內升滿漢各一人外

轉

宗室不與

各一人由院覆無降革事故者序俸列

疏並彙其任內敷陳奏章繕冊進

呈候

旨簡用○六科給事中員闕由院列御史無降革事

故者咨吏部引

見簡用○科道掌印六科及京畿河南兩道由院於給事中御史內簡選正陪疏請補授餘以本道見任資深者轉補

凡五城地方各以巡視科道為統轄官指揮為專管官副指揮吏目為分管官各治一坊中城中西中東二坊東城崇南朝陽二坊南城東南正東二坊西城宣南關外二坊北城日南靈中

二坊

凡條教每月朔望巡城科道率司坊各官集衆於公所令鄉約一人宣講

聖諭孝父母敬長上睦鄉里教子孫各安生理毋作非為

凡辭訟司坊各官分職而理各依限審訊錄供詳報應解審者解犯送本城覆審定議完結事有疑竇駁令再審不得草率結案徒罪以上槩

送刑部每月二次以已結未結之數造冊申院
注銷

凡禁令首嚴邪教傳造妖言私銷私鑄聚衆開
窩燒炭及書吏招搖骫法役滿逗遛寺院坊店
容留行踪詭秘之人巡城科道率所屬隨時稽
察以儆姦邪至於使酒罵街見即逮治不得以
地非所屬過而不問

凡平糶五城各設廠二遇米價騰貴由戶部奏

請酌撥京倉成色米分給各城減價平糶巡城
科道率指揮副指揮經理其事

凡賑濟歲於十月初一日至次年三月二十日
每城各設廠二日支京倉米二石柴薪銀一兩
煮飯以振貧民巡城科道率指揮副指揮吏目
經理其事

凡棲流所中東南北城各一西城二流民無依
及衢巷卧病者總甲即報指揮悉令入所日給

薪米病給醫藥冬給絮衣布被病故者給棺木
巡城科道以時親察勿致屯膏

凡承追承緝承變承驗傷痕並內外問刑衙門
行提人犯或遞解回籍及各公事差委令副指
揮吏目分任驗屍專委指揮

通政使司

通政使滿漢各一人副使滿漢各一人叅議滿
漢各一人掌達天下奏章○經歷滿漢各一人
知事滿二人掌出納文移○筆帖式滿六人漢
軍二人掌繙譯登聞鼓筆帖式滿一人漢軍一
人

凡內外臣工封事許自達其陳事之疏在京徑
送內閣在外皆郵遞至司移送內閣進

呈

御覽

凡疏章定式每幅六行行二十格平行空二格
疏語稱

宮殿者上一格稱

皇帝

上諭稱

旨稱

御者上二格稱

天地

宗廟

山陵

廟號

列祖諭旨者逾格一字首列官銜姓名末書年月日鈐
以印別紙摘錄疏中要語黏於疏尾曰貼黃
凡疏章不拘字數期於辭達其頌而諛繁以支

者禁之

凡上疏陳事在內由部院堂官在外由將軍督撫提鎮餘令上司官代奏毋得越職陳事

凡接受疏章設案於堂正中經歷知事二人左右侍立通政使或副使叅議一人出聽事至案側齎奏人奉疏及雷跪經歷恭接陳案上退迺校閱封送內閣五日後以隨疏齎到之牒應致各部院者授提塘官分投

凡馳奏程限由具疏官計程刻日登注文內鈐印申司覈驗違限者罪坐所由失注日期者並劾之如雨潦阻行致逾定限由所在官司具結申司者免議

凡封發疏章篋內污損議處具疏之官篋外污損有專差者罪奉差官吏無專差者罪驛遞官役其錯誤遺漏及不合體式者由司勘明重則叅處輕則請

旨飭行

凡軍民實有冤抑所司不受理擊登

聞鼓陳訴者

初專設登鼓院後裁隸本司

聞

由司覈實奏

聞得

旨下所司昭雪誣控越訴者論如法

大理寺

卿滿漢各一人少卿滿漢各一人掌平反重辟以貳邦刑

左寺正滿一人漢軍一人漢一人評事漢一人
右寺正滿一人漢軍一人漢一人寺副漢一人
評事漢一人分掌

京師五城順天府屬直省府州縣衛死罪之刑

堂評事滿一人掌文案○司務滿漢各一人掌

收發文移○筆帖式滿四人漢軍二人掌繙譯
凡直省重辟寺受各省牒下其事於左右寺司
讞者準律定讞卿受其中竢刑部簡正旣字致
辭於寺廼叅覈焉議合者弊之不合者反之刑
部重辟囚以左右寺司讞者暨御史會刑司察
其辭辨其死刑之罪而要之致辭於卿廼詣刑
部暨都御史會聽之各麗其法以議獄議合者
弊之不合者覆之必盡合廼會疏互異者各疏

所見以

聞

凡秋審直省候決之囚刑部會其獄成寺受而覈之歲以八月會九卿詹事科道於

天安門外察於獄辭之麗而求其情別其情實者緩決者矜疑者會疏以

聞以為處決留繫減等之差

凡

朝審刑部候決之囚歲以霜降後旬日出囚於

天安門外會九卿詹事科道察於獄辭之麗而質
訊之別其情實緩決可矜疑者與秋審同

凡熟審每歲小滿後旬日刑部小大之獄以左
右寺官暨御史會刑司聽之質其成於卿答者
免杖者折減荷校者暫釋竢立秋決旬一會疏
俾夏暑無留獄至立秋前一日廼歲事

欽定大清會典卷八十一



總校官候補中書臣吳紹潔
校對官編修臣莫瞻菴
謄錄監生臣江潮

欽定四庫全書薈要

史部

欽定大清會典卷八十二

詳校官編修臣繆晉



欽定四庫全書薈要卷八千三百十一

史部

欽定大清會典卷八十二

太常寺

卿滿漢各一人少卿滿漢各一人掌典守



廟

社以歲時序其祭祀所屬寺丞滿一人漢二人博士
滿一人漢軍一人漢一人讀祝官滿八人贊禮

郎滿二十四人漢十有四人掌相儀序事備物
絜器典簿滿漢各一人掌文移筆帖式滿九人
漢軍一人掌繙譯

司庫滿一人庫使滿二人掌庫藏

犧牲所牧滿漢各一人掌繫牲拴而芻牧之以
待祭祀

神樂署漢署正一人署丞二人協律郎五人司
樂二十三人掌樂舞之節奏以詔樂舞生執事

生九十人樂生百八十人舞生三百人咸隸焉
凡題奏祭祀禮部於豫歲以題定祭期劄寺大
祀

天

地前二十五日由寺具疏謹以

皇帝親詣行禮或遣官恭代並列分獻官名題請
太廟

社稷中祀

日

月恭遇

皇帝親詣之歲均前二十日具疏亦如之其餘中祀
前二十日羣祀前十有五日均列承祭分獻官
名具疏恭候

簡命

永陵

福陵

昭陵前四十日

昭西陵

孝陵

孝東陵

景陵

泰陵

孝賢皇后陵寢

端慧皇太子園寢前二十日列承祭官名疏請

凡進齋戒牌銅人恭遇

皇帝親詣行禮於齋期前一日具奏屆期黎明卿率

屬補服

遇朝期朝服

奉齋戒牌銅人入至

乾清門恭設於中門左楹前祀

天祭

地如遇

皇帝宿齋宮至第三日恭設齋戒牌銅人於

齋宮丹陛左如不宿

齋宮恭設於

乾清門三日饗

太廟祭

社稷恭設於

乾清門三日朝

日夕

月饗

前代帝王

先農恭設於

乾清門二日如

皇帝不親詣則不奏設齋戒牌銅人

皇后親饗

先蠶進齋戒牌銅人於

乾清門轉交內監恭設於

交泰殿二日

凡

親閱祝版大祀

南郊

皇帝御太和殿閱祝版玉帛香大祭

北郊

御中和殿閱祝版均御龍袍袞服執事官咸采服

如遇

朝期執事官咸朝服
遇忌辰服亦如之

太廟

社稷以下諸祭均

御中和殿

皇帝衮服執事官補服

如遇朝期執事官咸朝服遇忌辰閱太廟祝版素

服執事官常服

前二日司祝奉祝版送內閣恭書祝文

前一日卿詣

乾清門恭請

皇帝御殿廼率屬奉祝版入

殿內恭設黃案上

皇帝恭閱如儀禮畢奉送各

壇廟恭設

神庫遣官及羣祀祝版均司祝自內閣奉送祭所

凡大祀

天

地

皇帝御齋宮日詣

神位前上香恭視

壇位於祀前五日奏請前期二日奏

御齋宮儀並奏遣分獻官恭視邊豆牲牢如遣官恭
代奏遣承祭官恭視

壇位並視邊豆牲牢

凡祀日請

駕大祀

天

地於日出前七刻饗

太廟祭

社稷於日出前四刻朝

日於日出前八刻夕

月於酉時前四刻饗

前代帝王

先師均於日出前六刻祇告

傳心殿於日出前三刻饗

先農於巳時前六刻均先期行欽天監取候時官二

人至時卿詣

宮門請

駕

凡遣官恭代

天

地

太廟

太廟後殿

社稷以親王郡王有事祇告同

日

月以王貝勒貝子公

先農

太歲以親王郡王

先蠶以內務府總管奉宸苑卿奏遣承祭

前代帝王以領侍衛內大臣散秩大臣都統尚書釋

奠於

先師祇告

傳心殿

親詣釋奠日祭

崇聖祠均以大學士丁祭

崇聖祠以祭酒承祭

先醫廟以禮部尚書侍郎

火神廟

顯祐宮

東嶽廟

龍神廟以本寺卿少卿

都城隍

關帝廟以領侍衛內大臣散秩大臣都統尚書

賢良祠

昭忠祠

雙忠祠如之

礮神以漢軍都統

后土

司工

密神

門神以禮工二部尚書侍郎均豫期行取職名疏
請

簡命

興京

永陵

盛京

福陵

昭陵由

盛京禮部以

命往盛京居住奉祀

祖陵之宗室將軍開送

昭西陵

孝陵

孝東陵

景陵

泰陵

孝賢皇后陵寢

端慧皇太子園寢由宗人府以王公開送均列名
具疏有事祇告同

闕帝廟後殿附疏聲明各功臣祠不具題均以本
寺卿承祭

凡分獻

兩郊從位

太廟兩廡以領侍衛內大臣散秩大臣都統尚書

皇帝親夕

月分獻

從位亦如之

親祭

帝王廟分獻兩廡均以尚書左都御史遣官承祭以
侍郎內閣學士左副都御史

親釋奠於

先師分獻

四配以尚書十二哲兩廡以侍郎均列名疏請遣

官釋奠於

先師及

四配分獻十二哲以翰林院編修檢討

太歲殿兩廡以本寺卿少卿

先醫兩廡以太醫院使院判均附疏聲明分獻

大成殿兩廡及

崇聖祠四配兩廡以國子監監丞博士助教

賢良祠

昭忠祠後室兩廡配室以本寺卿少卿博士典簿均不具題

凡祭日執事

皇帝親祭以禮部堂官本寺卿二人贊引對引典儀贊行禮之節典樂贊舉樂通贊贊

賜福胙引禮引分獻官傳贊贊王公百官拜跪司香奉
香槃司玉帛奉篚司爵獻爵司祝讀祝司饌奉
饌槃掌燎視燎掌瘞視瘞司麾示樂節司旌節
導千戚羽籥之舞大祀

南

北郊進俎以挈壺官沃俎

天

地

日

月

先農之祭

皇帝拜位司拜牌拜褥官均以本寺官充之

太廟司帛司爵以宗室覺羅官

太廟

社稷

帝王

先師之祭司拜褥以鑾儀衛官遣官承祭贊引以贊
禮郎不設司拜牌拜褥官分獻司香帛爵以本
寺執事生遣官釋奠於

先師以國子監官及肄業諸生若因事祇告設贊引
典儀司祝司香司帛司爵掌燎掌瘞與正祭同
凡祭祀備物歲支戶部庫帑五千兩以供各祀
籩豆之實夏季具疏題銷

凡犧牲入滌大祀九旬中祀六旬羣祀三旬既

入滌牲有病者易之斃則埋之每歲牛二百四十由順天府行近畿各州縣市價及張家口外牧場選供羊四百三十有九豕三百九十有九由左右翼稅務分四時市價均由寺卿會順天府尹及兩翼稅務監督選收鹿四十有五供自內務府奉宸苑兔四百四十有九供自光祿寺均每祀行取豫日送寺歲支戶部倉豆草價及兩翼稅課銀千六百兩以供芻牧犧牲所牧率

牧人謹飼之博士五日一赴所驗視所牧勤職者五年送吏部兵部議叙如洗滌失宜侵冒芻牧者論如法

凡簠簋之實以黍稷稻粱歲取

帝藉所登謹貯

神倉以供齋盛登之實以大羹鉶之實以和羹籩豆之實形鹽藁魚鹿脯果以棗栗榛菱芡苴以韭菁芹笋醢以豕鹿兔魚脾析用牛豚拍用脅

白餅黑餅用麥粳餌粉餐用米粉食用稻均雍
人治之監以博士等官

凡祝版制帛香燭薪炭行戶工二部支取酒醴
形鹽行光祿寺葦行大興宛平二縣均豫日送

寺

凡

陵寢祭物

永陵

福陵

昭陵供祭果品由寺驗送制帛香燭茗齎行戶工二部
支取香越歲彙送無常期餘於季秋月兵部具
路引供人夫工部供藤篋氍毹索由寺委官齎送

昭西陵

孝陵

孝東陵

景陵

泰陵

孝賢皇后陵寢

端慧皇太子園寢祭物由寺庫撥銀治備祝版制
帛香燭行戶工二部羊行左右翼稅務支取春
秋二季各

陵奉祀禮部移本寺祇領歲終具冊移寺覈銷

凡朔望上香

南郊

北郊以本寺卿

太廟以上公咸朝服

社稷以典守官

日

月

先農以奉祀咸補服各詣

神位前上香行三跪九叩禮

帝王廟

太歲殿

都城隍廟

關帝廟

賢良祠

昭忠祠

雙忠祠均以典守官

傳心殿以寺丞上香行禮

太廟日以典守官常服詣各

寢室上香與朔望同

凡祭祀習儀大祀前四十日中祀前三十日每
旬三六九日卿率讀祝贊禮等官及執事樂舞
集

天壇神樂署習儀於凝禧殿饗

太廟以王公一人監視宗室覺羅官

先師以國子監祭酒司業監視國子師生同日習樂
於殿廷會樂部典樂監視亦如之

陵寢讀祝官贊禮郎每旬三六九日習儀於

皇陵奉祀禮部與

京師同孟秋寺卿二人分詣

東西陵閱驗第其優劣回日奏

聞

凡典守官

南郊

北郊各設壇尉五品各一人六品各七人掌局鑰宿直

奉祀祀丞各一人掌庫藏祭器

太廟設廟尉四品二人掌殿庫局鑰五品八人主宿直

門庫

社稷壇設壇尉五品一人六品四人

日

月壇各設奉祀一人

先農壇設奉祀祀丞各一人職掌皆同卿時稽其勤

惰而申警之

凡執役

太廟首領內監一人內監二十人

社稷壇首領內監一人內監四人

傳心殿如之各壇壇戶九十四人廟戶二十三人

祠戶二十六人

齋宮夫十有六人

具服殿夫八人執灑掃啟閉之役守寺庫兵二十

人神樂署庫夫四人執宿直巡防之役本寺雍

人二百九十人執刲牲烹爨之役犧牲所所軍
十有九人夫二十七人執芻牧洗滌之役壇廟
祠戶及宮殿所夫由順天府和雇庫兵由八旗
撥送均一年更代

凡歲修

壇廟有土木興修之工奏交工部督修委官會本寺官
監視若止繕完塗墍奏支工部庫帑委本寺官
董其事工竣咨部覆覈歲秋彙冊題銷

凡升補本寺屬官滿寺丞員闕由卿於博士典簿讀祝官贊禮郎內選擬正陪引

見錄用讀祝官滿贊禮郎各

陵讀祝官贊禮郎行取八旗人員內選擬正陪引

見錄用

盛京

陵讀祝官贊禮郎由

盛京禮部會將軍及戶兵刑工各部選擬正陪送

寺引

見亦如之漢寺丞員闕由協律郎贊禮郎贊禮郎員
闕由司樂奉祀員闕由祀丞神樂署署正員闕
由署丞協律郎員闕由司樂各如例升補司樂
員闕由樂舞生祀丞署丞由執事生拔補均由
寺咨名吏部補授執事生闕於樂舞生遴選充
補

欽定大清會典卷八十二

欽定四庫全書薈要卷八千三百十二

史部

欽定大清會典卷八十三

太常寺

祝文

冬至大祀

圜丘祝文

維乾隆

年歲次

十一月

朔越

日

嗣天子

臣

御名敢昭告於

皇天上帝曰時維冬至六氣資始敬遵典禮謹率臣僚
以玉帛犧齊粢盛庶品備此裡燎祇祀於

上帝奉

太祖承天廣運聖德神功肇紀立極仁孝睿武端毅欽
安弘文定業高皇帝

太宗應天興國弘德彰武寬溫仁聖睿孝敬敏昭定隆
道顯功文皇帝

世祖體天隆運定統建極英睿欽文顯武大德弘功至

仁純孝章皇帝

聖祖合天弘運文武睿哲恭儉寬裕孝敬誠信中和功德大成仁皇帝

世宗敬天昌運建中表正文武英明寬仁信毅大孝至誠憲皇帝配尚

饗

正月上辛祈穀祝文

維乾隆

年歲次

正月

朔越

日辛

嗣天子臣御名敢昭告於

皇天上帝曰臣仰承

眷命撫育萬方念切民生亟圖康乂茲者候屆上辛春

耕將舉爰摠誠悃上迓

洪庥謹率臣僚以玉帛牲醴粢盛庶品恭祀

上帝伏祈

昭鑒時若雨暘俾百穀用成三農攸賴奉

太祖承天廣運聖德神功肇紀立極仁孝睿武端毅欽

安弘文定業高皇帝

太宗應天興國弘德彰武寬溫仁聖睿孝敬敏昭定隆
道顯功文皇帝

世祖體天隆運定統建極英睿欽文顯武大德弘功至
仁純孝章皇帝

聖祖合天弘運文武睿哲恭儉寬裕孝敬誠信中和功
德大成仁皇帝

世宗敬天昌運建中表正文武英明寬仁信毅大孝至

誠憲皇帝侑

神尚

饗

孟夏常雩祝文

維乾隆

年歲次

四月

朔越

日
嗣天子臣御名敢昭告於

皇天上帝曰臣恭承

帝命率育寰區民為邦本深思稼穡之艱難食廼民天

惟冀雨暘之時若用蠲吉日肅展明禋茲當龍見之期爰舉祈年之典惟皇

上帝鑒茲將饗之誠用康兆民咸受明昭之賜俾五風十雨黍稷惟馨九穀三農順成有慶奉

太祖承天廣運聖德神功肇紀立極仁孝睿武端毅欽安弘文定業高皇帝

太宗應天興國弘德彰武寬溫仁聖睿孝敬敏昭定隆道顯功文皇帝

世祖體天隆運定統建極英睿欽文顯武大德弘功至
仁純孝章皇帝

聖祖合天弘運文武睿哲恭儉寬裕孝敬誠信中和功
德大成仁皇帝

世宗敬天昌運建中表正文武英明寬仁信毅大孝至
誠憲皇帝侑

神尚

饗

夏日至大祭

方澤祝文

維乾隆

年歲次

五月

朔越

日

嗣天子臣御名敢昭告於

后土皇地祇曰時當夏至羣物方亨生長發育有生成
賴功德至厚上配

皇天謹以玉帛牲醴粢盛庶品用將祇祭奉

太祖承天廣運聖德神功肇紀立極仁孝睿武端毅欽

安弘文定業高皇帝

太宗應天興國弘德彰武寬溫仁聖睿孝敬敏昭定隆
道顯功文皇帝

世祖體天隆運定統建極英睿欽文顯武大德弘功至
仁純孝章皇帝

聖祖合天弘運文武睿哲恭儉寬裕孝敬誠信中和功
德大成仁皇帝

世宗敬天昌運建中表正文武英明寬仁信毅大孝至

誠憲皇帝配尚

饗

春分朝

日祝文

維乾隆

年歲次

二月

朔越

日
嗣天子御名謹告於

大明之神曰惟

神陽精之宗列神之首

神光下照四極無遺功垂今昔率土仰賴茲當仲春
式遵古典謹以玉帛牲醴之儀恭祀於

神伏惟

鑒歆賜福黎庶尚

饗

秋分夕

月祝文

維乾隆

年歲次

八月

朔越

日
嗣天子御名謹告於

夜明之神曰惟

神配陽之德鍾陰之精周環九野普照萬方繼明於
夕天下共賴茲當仲秋式遵古典謹以玉帛牲
醴庶品之儀致祀惟

神歆鑒福我兆民尚

饗

四孟時饗

太廟祝文

維乾隆

年歲次

正四月
七十

朔越

日

孝孫嗣皇帝御名敢昭告於

太祖承天廣運聖德神功肇紀立極仁孝睿武端毅欽
安弘文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆

道顯功文皇帝

孝端正敬仁懿哲順慈信莊敏輔天協聖文皇后
孝莊仁宣誠憲恭懿至德純徽翊天啟聖文皇后
世祖體天隆運定統建極英睿欽文顯武大德弘功至
仁純孝章皇帝

孝惠仁憲端懿慈淑恭安純德順天翼聖章皇后
孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功
德大成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至

誠憲皇帝

孝敬恭和懿順昭惠佐天翊聖憲皇后曰時屆孟

春夏
秋冬

謹以牲帛醴齊粢盛庶品用展追思伏惟尚

饗

時饗

後殿祝文

維乾隆

年歲次

正四月
十七日

朔越

日

孝孫嗣皇帝御名謹遣

敢昭告

於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰時屈孟

春夏秋冬

謹以牲帛醴齊粢盛庶品用展

追思伏惟尚

饗

大禘前期祇告

後殿祝文

維乾隆

年歲次

十二月

朔越

二十日

孝孫嗣皇帝御名謹遣

敢

昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲者歲暮特修禘祭之禮於

太廟恭迎同格饗祀伏惟

鑒知謹

告

大禘前期祇告

中殿祝文

維乾隆

年歲次

十二月

朔越

二十日

孝孫嗣皇帝御名謹遣

敢

昭告於

太祖承天廣運聖德神功肇紀立極仁孝睿武端毅欽
安弘文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆
道顯功文皇帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至
仁純孝章皇帝

孝惠仁憲端懿慈淑恭安純德順天翼聖章皇后

孝康慈和莊懿恭惠溫穆端靖崇天育聖章皇后

聖祖合天弘運文武睿哲恭儉寬裕孝敬誠信中和功德大成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至誠憲皇帝

孝敬恭和懿順昭惠佐天翊聖憲皇后曰茲者歲暮特
修禘祭之禮恭迎

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后同格饗祀伏惟

鑒知謹

告

歲暮大禘祝文

維乾隆

年歲次

十二月

朔越

二十日

孝孫嗣皇帝御名敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后

太祖承天廣運聖德神功肇紀立極仁孝睿武端毅欽

安弘文定業高皇帝

孝慈昭憲敬順仁徽懿德慶顯承天輔聖高皇后

太宗應天興國弘德彰武寬溫仁聖睿孝敬敏昭定隆
道顯功文皇帝

孝端正敬仁懿哲順慈僖莊敏輔天協聖文皇后

孝莊仁宣誠憲恭懿至德純徽翊天啟聖文皇后

世祖體天隆運定統建極英睿欽文顯武大德弘功至
仁純孝章皇帝

孝惠仁憲端懿慈淑恭安純德順天翼聖章皇后
孝康慈和莊懿恭惠溫穆端靖崇天育聖章皇后
聖祖合天弘運文武睿哲恭儉寬裕孝敬誠信中和功
德大成仁皇帝

孝誠恭肅正惠安和淑懿儷天襄聖仁皇后
孝昭靜淑明惠正和安裕欽天順聖仁皇后
孝懿溫誠端仁憲穆和恪奉天佐聖仁皇后
孝恭宣惠溫肅定裕慈純贊天承聖仁皇后

世宗敬天昌運建中表正文武英明寬仁信毅大孝至誠憲皇帝

孝敬恭和懿順昭惠佐天翊聖憲皇后曰氣序已周歲
事告成謹以牲帛醴齊粢盛庶品特修大祫禮
於

太廟用申追感之情伏惟尚

饗

元日

後殿祝文

維乾隆

年歲次

正月

朔孝孫

嗣皇帝御名謹遣

敢昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲逢元旦歲序方新歲事更始謹以香帛醴
齊粢盛庶品特修祀禮用申追慕之情伏惟尚
饗

皇太后聖壽

後殿祝文

維乾隆

年歲次

十一月

朔越

二十五日

孝孫嗣皇帝御名謹遣

敢

昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲逢

皇太后聖節仰荷

恩佑追慕良深謹以香帛醴齊粢盛庶品特修祀禮用
申報忱伏惟尚

饗

萬壽聖節

後殿祝文

維乾隆

年歲次

八月

朔越十

三日

孝孫嗣皇帝御名謹遣

敢昭告

於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲臣誕辰深承

啟佑莫罄報私謹以香帛醴齊粢盛庶品特修祀禮用
展微忱伏惟尚

饗

春秋上戊祈謝

社稷壇祝文

維乾隆

年歲次

二月

朔越

日戊

皇帝御名敢昭告於

社

稷之神曰惟

神贊輔

皇天
皇祇

發生嘉穀粒我烝民萬世永賴茲當仲春
仲秋謹以玉

帛牲醴庶品

致祭
報謝配以

后土句龍氏

后稷氏尚

饗

春秋祭

帝王廟祝文

維乾隆

年歲次

二月

朔越

日

皇帝遣

致祭於

太昊伏羲氏

炎帝神農氏

黃帝軒轅氏

帝金天氏

帝高陽氏

帝高辛氏

帝陶唐氏

帝有虞氏

夏十四王

商二十六王

周三十二王

漢二十一帝

唐十五帝

遼六帝

宋十四帝

金五帝

元十一帝

明十三帝曰仰惟

諸帝應運代興作君作師撫育黎烝創治維艱基業
用宏守文不易謨烈是承風教既遠功德可稱

報於仲

春秋

神其式憑尚

饗

春秋上丁釋奠

先師祝文

維乾隆

年歲次

八月

朔越

日丁

皇帝遣

致祭於

至聖先師孔子曰惟

師德配

天地道冠古今刪述六經垂憲萬世茲當仲春祇奉舊秋

章謹以牲帛酒果致祭配以

復聖顏子

宗聖曾子

述聖子思子

亞聖孟子尚

饗

崇聖祠祝文

維乾隆

年歲次

二月

朔越

日

皇帝遣

致祭於

肇聖王

裕聖王

詒聖王

昌聖王

啟聖王曰惟

王誕生至聖為萬世王者之師功德顯著茲因仲
秋

謹以庶品之儀致祭配以

先賢顏氏

先賢曾氏

先賢孔氏

先賢孟孫氏尚

饗

春秋

經筵祭告

傳心殿祝文

維乾隆

年歲次

二月

朔越

日

皇帝遣

致祭於

皇師伏羲氏

皇師神農氏

皇師軒轅氏

帝師陶唐氏

帝師有虞氏

王師夏禹王

王師商湯王

王師周文王

王師周武王

先聖周公

先師孔子神位前曰兩儀既闢開治統道統之原千

聖同歸建作君作師之極自上古鴻濛而降迄

一中授受以來

五帝開天乘時而迭運

三王治世異尚而同功制作大備於

元公刪述集成於

宣聖繼修明之後仰溯傳心綜道法之詳緬惟典學
羹牆如見會列聖於一堂俎豆用馨紹斯文於
萬禩惟啟承之永賴冀陟降之匪遙肅薦明禋
伏祈

敬格尚

饗

仲春吉亥饗

先農壇祝文

維乾隆

年歲次

二月

朔越

日亥

皇帝致祭於

先農之神曰惟

神肇興農事萬世永賴茲當東作之時躬耕藉田祈

諸物豐茂為民立命謹以牲帛酒醴庶品之儀

致祭尚

饗

太歲祝文

維乾隆

年歲次

正月

朔越

日

皇帝遣

致祭於某甲

太歲之神曰茲當孟春

歲暮祭歲既云暮節屆新春

謹以牲帛酒

果庶品之儀致祭尚

饗

顯佑宮祝文

維乾隆

年歲次

八月

朔越十

三日

皇帝遣 致祭於

北極佑聖真君曰茲朕誕辰惟

神永垂默佑謹以茶果庶品之儀致祭尚

饗

火神廟祝文

維乾隆

年歲次

六月

朔越二

十三日

皇帝遣 致祭於

司火之神曰惟

神令司赤帝德炳離明屆此良辰爰修專祀鑒茲
特典綏我烝民尚

饗

季秋朔祭

礮神祝文

維乾隆

年歲次

九月

朔

皇帝遣

致祭於

神威無敵大將軍

神功將軍

制勝將軍

神威將軍之神曰惟

神欽

天命而無私助揚威武有功國家茲當季秋之時特以
牲醴遣官致祭

神其鑒之尚

饗

都城隍祝文

維乾隆

年歲次

九月

朔越

曰

皇帝遣 致祭於

都城隍之神曰惟

神正直實贊靈化捍禦之功都邑所賴祇嚴歲祀

用答

神庥尚其歆茲永福黎庶尚

饗

萬壽節致祭祝文

維乾隆

年歲次

八月

朔越十

三日

皇帝遣

致祭於

都城隍之神曰茲予初度之辰仰荷

神庥永垂護佑謹以牲醴致祭尚

饗

東嶽廟祝文

維乾隆

年歲次

八月

朔越十

三日

皇帝遣

致祭於

東嶽泰山之神曰茲朕誕辰惟

神永垂默佑謹以牲醴庶品之儀致祭尚

饗

黑龍潭

龍神廟祝文

維乾隆

年歲次

八月

朔越

日

皇帝遣

致祭於

昭靈沛澤龍王之神曰惟

神澤潤生民膏流甸服雨暘時若夙彰孚應之靈
年穀順成溥被盈寧之福念

神庥之不著惟典祀之宜崇茲值仲

春用申時饗

尚其歆格鑒此精誠尚

饗

玉泉

龍神祠祝文

維乾隆

年歲次

二月

朔越

日

皇帝遣

致祭於

惠濟慈佑龍王之神曰惟

神潤下流膏應時澤物珠泉湧地毓靈脈於山林
王液成川暢清流於畿甸滋昀昀之繡壤允資

灌注之功通翼翼之漕艘長助輓輸之利聿昭
靈貺宜奉明禋蠲二仲以薦馨潔粢表敬永千
秋而崇報備物明虔

神式憑依尚其歆格

仲春仲冬甲日饗

先醫廟祝文

維乾隆

年歲次

二月

朔越

日

皇帝遣

致祭於

太昊伏羲氏

炎帝神農氏

黃帝軒轅氏曰古昔聖人德澤深宏創治醫藥拯濟

斯世仁壽庶民茲當

春冬

時謹以牲醴致祭惟

神慈惠蠲除疾疢篤佑朕躬致和天下配以

句芒氏之袖

祝融氏之神

風后氏之神

力牧氏之神尚

饗

五月十三日致祭

闕帝廟前殿祝文

維乾隆

年歲次

五月

朔越十

三日

皇帝遣

致祭於

闕聖大帝曰惟

帝純心取義亮節成仁允文允武迺聖迺神功高
當世德被生民兩儀正氣歷代明禋英靈丕著
封號聿新敬修歲事顯佑千春尚

饗

後殿祝文

維乾隆

年歲次

五月

朔越十

三日

皇帝遣

致祭於

關帝之

曾祖光昭公

祖裕昌公

父成忠公曰禮隆報祀誼重推恩當崧生嶽降之
期溯木本水源之始輝煌棟宇憑依已妥於上
公修潔豆籩將饗告虔於仲夏惟

神昭鑒尚其格歆

春秋祭前殿祝文

維乾隆

年歲次

二月

朔越

日

皇帝遣

致祭於

闕聖大帝曰惟

神秀毓河山名垂今古英風正氣世歷久而彌新

大節純心史相傳而莫匹念神靈之顯著命典

禮以優隆茲當仲

春秋

用昭時饗尚其歆格鑒此

精虔尚

饗

後殿祝文

維乾隆

年歲次

二月

朔越

日

皇帝遣

致祭於

關帝之

曾祖光昭公

祖裕昌公

父成忠公曰惟

公盛德相承令儀足式歷數傳之積累遂鍾河嶽
精靈儲曠代之威名堪作巖廊矩矱殊恩既沛
於三世時饗宜錫於上公茲當仲春用昭祀事
豆籩致潔典禮加隆尚

饗

春秋致祭

昭忠祠祝文

維乾隆

年歲次

八月

朔越

日

皇帝遣

諭祭八旗直省盡節立功之和碩敬謹親王等之靈
曰周禮有司勲之職名勒旂常祭法載勤事之文
光生俎豆蓋舍生取義臣子抒報國之忱而服德
酬庸朝廷示作忠之典英標如在渥澤宜頌爾和

碩敬謹親王等丹心自勵正氣挺生果敢本於性
成見危授命忠誠矢於敵愾視死如歸生當開創
之年執銳披堅實賴干城之佐運際承平之日安
邊除暴亦資禦侮之才或陷陣以爭先或守土而
盡職或被誘不辱迺授首以從容或深入無援遂
致身於倉卒雖天戈所指如振槁而摧枯迺大義
為昭可凌霄而貫日我

皇考軫懷曩烈誕賁殊榮命立專祠俾膺特典王公將

帥躋正宇之輝煌士卒偏裨列兩廡而陪侍蓋所以表忠貞於既往昭節義於無窮朕洪紹丕基遵行常祀功書竹帛既揚久遠之芳徽禮薦牲牢勿替春秋之血食苾芬在列靈爽歆承

賢良祠祝文

維乾隆

年歲次

二月

朔越

日

皇帝遣

諭祭賢良祠王大臣和碩怡賢親王大學士榜式達
海等之靈曰功銘鐘鼎尚書崇元祀之文德冠巖
廊周禮著大猷之典蓋旂常載績本臣子之素懷
而俎豆薦馨迺朝廷之崇報爾和碩怡賢親王望
重親賢粹鍾川嶽竭忠誠而體國著勲德於當年
大學士榜式達海等或當

列祖開基之日佐命立功或際熙朝極盛之時宣猷贊
化或驅除暴亂定疆宇於域中或震耀聲靈收版

圖於海外內則台星卿月奏亮工熙載之勲外則
賜鉞授麾襄阜物安民之治老成謀國者進黃髮
之嘉猷清白持身者表素絲之高節純勤盡職則
夙夜匪躬密勿承休則堂廉一德我

皇考追思前績特煥褒綸崇廟宇於神京布几筵而時
祭蓋以表揚既往沛酬庸褒德之恩激勸將來勵
懷古欽風之志朕寅承丕緒嗣舉舊章撫節物以
懷賢潔牲牢而致饗英靈如在尚克歆承

雙忠祠祝文

維乾隆

年歲次

二月

朔越

日

皇帝遣

諭祭於襄烈伯傅清壯果伯拉布敦之靈曰臣子効
匪躬之節報禮斯隆國家昭異數之恩褒忠罔替
既旂常之永勒宜俎豆之世延惓撫流光長懷徃
績爾傳清拉布敦共矢精誠同宣義烈捐生絕塞

已銘殊績於鐘鏞晉爵崇階用妥貞魂於廟食茲
當春秋仲爰命祠官載考藝章聿修秩祀馨香申薦
閱日月以如新琬琰揚芳與山河而共久爾靈不
昧尚克歆承

定南武壯王祠祝文

維乾隆

年歲次

二月

朔越

日

皇帝遣

諭祭於定南武壯王孔有德之靈曰人臣盡忠仗節
矢天日而不渝朝廷卹死酬勲撫歲時而增感爾
定南武壯王孔有德膚功早著偉烈常存茲當仲
秋春之辰益念忠良之績特頒祭典用慰幽靈王如
有知尚克歆饗

宏毅公祠祝文

維乾隆

年歲次

八月

朔越

日

皇帝遣

諭祭於宏毅公額宜都巴圖魯之靈曰誼重酬庸茂
典聿加於勲舊禮隆展祀歲時宜備於馨香爾宏
毅公額宜都巴圖魯開國名臣從龍上佐表成勞
於鐘鼎青史揚芬紀偉績於旂常豐碑示寵既叨
恩於廟食更賜祭於專祠式賁新綸允符彝憲時
當春秋仲用布几筵靈如有知尚其歆格

恪僖公祠祝文

維乾隆

年歲次

二月

朔越

日

皇帝遣

諭祭於恪僖公過必隆之靈曰沛隆恩於勲舊國有
彝章展時祭於春秋禮踰常格爾恪僖公過必隆
名垂青簡績著豐碑矧追

椒寢於所生宜薦專祠以有永茲當

春秋

仲申侑几筵靈

如有知尚克歆饗

勤襄公祠祝文

維乾隆

年歲次

八月

朔越

日

皇帝遣

諭祭於勤襄公佟圖賴公妻一品夫人覺羅氏忠勇
公佟國綱公妻一品夫人塔他喇氏公妻一品夫
人溫都氏端純公佟國維公妻一品夫人何舍里
氏之靈曰崇功報德禮首逮於元臣錫類推恩誼

尤敦於懿戚考彝章而立廟因時序以薦觴惟爾
一門宣猷累葉効忠貞而體國名著旂常秉孝義
以型家芳傳國史望高閭閻蔚為勲舊之宗慶衍
庭幃光啟

聖慈之範茲當春秋仲特遣專官設奠几筵靈其歆饗

文襄公祠祝文

維乾隆

年歲次

二月

朔越

日

皇帝遣

諭祭於文襄公圖海之靈曰義重酬勲眷鈞衡之舊
德禮隆秩祀因節序以申恩爾文襄公圖海望高
國器功贊王猷表世德於戟門生膺第祿贈崇階
於鼎爵歿被榮名渙新綽而建祠遣專官而致祭
時當春秋仲式布几筵靈如有知尚其歆格

恪僖公祠祝文

維乾隆

年歲次

八月

朔越


日

皇帝遣

諭祭於恪僖公哈什屯公妻一品夫人覺羅氏敏果
公米思漢公妻一品夫人穆溪覺羅氏博爾濟吉
特氏莊慤公李榮保公妻一品夫人覺羅氏之靈
曰禮隆念舊千秋之俎豆攸光義重酬庸奕代之
馨香勿替考彝章而秩祀因時序以申恩惟爾一
門夙稱望族忠誠體國數傳紀績於旂常端敬型

家累葉垂芳於圖史祥開坤極早錫榮封佑啓勲
賢復新廟貌命祠官而陳芬苾落成已賁恩綸隨
節候而展几筵歲薦彌昭懿典茲當春秋仲常祀聿
修靈如有知尚其歆格

欽定大清會典卷八十三



總校官候補中書臣吳紹潔
校對官編修臣莫瞻菴
謄錄監生臣蔡寅